



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-04-2-678-2/20

Datum: 23.3.2020. godine

Zbog poduzimanje mjera na sprečavanju širenja coronavirusa (COVID-19) u vezi sa Odlukom o proglašenju stanja nesreće na području Federacije BiH, V. broj 408/2020 od 16.3.2020. godine, a na osnovu člana 30. Statuta Općine Tešanj („Službeni glasnik općine Tešanj 11/07), Općinski načelnik donosi:

**ODLUKU
o posebnom režimu rada Općine Tešanj i komunikacije sa strankama**

I

Ovom Odlukom uređuje se poseban način rada Općine Tešanj, organizacija i obavljanje poslova organa uprave, način prijema, rada i komunikacija sa strankama, smanjenja broja uposlenika u izvršavanju poslova, a sve u cilju poduzimanja preventivnih mjera u sprečavanju širenja Coronavirusa (COVID-19).

II

Radno vrijeme i rad sa strankama u zgradi Općine Tešanj i uredu Jelah i Tešanjka, određuje se u vremenu od 9:00 do 13:00 sati, izuzev rada Službe civilne zaštite koja radi po posebnim pravilima.

III

Pomoćnici Općinskog načelnika dužni su organizovati funkcionisanje i rad, kroz preraspodjelu poslova i radnih zadataka uposlenika.

Organizovanje poslova će se urediti uz prisustvo što manjeg broja uposlenika na radnom mjestu u isto vrijeme, a po potrebi organizuju se i dežurstva. Sve uposlenike koji nisu neophodni za funkcionisanje organa uprave u vanrednim okolnostima poslati na korištenje godišnjeg odmora.

IV

Otkazuju se svi sastanci u prostorijama Općine Tešanj, izuzev onih koji imaju karakter hitnosti i koji su odbreni od Općinskog načelnika.

V

Stranke se upućuju da komunikaciju obavljaju putem telefona, e-maila, te da izbjegavaju neposredan dolazak u prostorije Općine.

Stranke koje dolaze u prostorije Općine Tešanj potrebno je da se pridržavaju pravila istaknutih na ulazu.

VI

Ova Odluka se primjenjuje od 23.3.2020. godine, a prestanak primjene će se utvrditi novom Odlukom. Primjenom ove Odluke, prestaje sa primjenom dio odredbi Odluke o posebnom režimu rada dok traje opasnost od širenja Coronavirusa broj 02-04-2-678/20 od 16.3.2020. godine, a koje su u suprotnosti sa ovom Odlukom. One odredbe koje nisu u suprotnosti sa ovom Odlukom ostaju u primjeni.

Dostaviti:

1. Sve službe Općine Tešanj
2. Službeni glasnik Općine Tešanj
3. Oglasne tabele
4. Mediji i internet stranica Općine Tešanj
5. Arhiva



OPĆINSKI NAČELNIK

mr.sc. Suad Huskić